

海浮山堂詩稿

山堂緝稿序

余弱冠與鄉中諸子會文於青溪
之上適治泉芹泉二君自臨朐來
從其先大夫宦游留曹知諸子可
與並來溪上會焉於是始識治泉
芹泉二君暨余認列春曹少洲君
初授邑令邂逅京邸議論頗合則
又識少洲君今余挂冠山中海浮

君由涑水令改教京口言念通家
停車見訪則又識海浮君四君者
東方豪雋之士皆翱翔藝林有盛
名當世者也連枝競爽三張見而
減價共被厚倫即伯淮輩不足多
矣乃余譾陋碩得周旋於四君之
側先後無忤其麗澤之益可勝道
哉既而海浮別去俄王孟二文學

持所刻山堂緝稿問序余昔蓋嘗
窺見一斑而今何幸得盡覩其全
也則嘆曰美哉先生之誤旨深而
詞爽體峻而氣和是可以傳矣余
將何言竊嘗觀操觚之士海內蓋
彬彬然動則凌駕漢魏自唐以下
不道乃模擬形象而不求諸性情
步趨節奏而不貫於理道甚至事

不稽於典章語無關於政俗即粲如霞綺美若貫珠識者嗤之謂其雕刻無補甚矣著作之庭未可頓造而名言之士宜不恒邁矣先生少稟竒姿早窮羣籍所得既邃加之切劇於伯仲之深諳練於咨詢之久於以充拓而增益之厥覲益遠以故宣之聲律情致婉曲節奏

疏暢庶幾風雅之音布之文章儻
理分明幅尺宏闊出入董遷之矩
取才於古人而標格甚正證體於
作者而蹊徑全消其妙若此若乃
談說時政如在掌上區畫張弛信
可施行絕無溢辭允稱確論此尤
墨士騷人所短而今皆兼之然則
先生蓋適用之全才又不獨擅文

林之長技而已使其得位行志其
設施不大有可述者哉余不工於
鉛槧乃於茲集竊有契焉意大雅
君子知言之奧必有同余斯論者
矣迺余則又嘆長公有才無位獨
陂門集今且盛傳次公大行蚤逝
有作未梓觀察公柄用方顯今文
翰流布海內甚熾至如先生位雖

不稱而文益有名此則天運難同
人情多忌良有然者顧今海內識
與不識皆知有馮氏四賢得其文
而頌之且争相傳羨不已造化獨
厚之意生人極盛之業夫孰有加
於是乎余因文學之請既叙其雅
製足傳而且感於一門多賢擅名
天壤因併及之以寓景行之思云

先生樂府諸調別有刻茲不序

嘉靖丙寅秋八月朔旦

賜進士出身中順大夫南京太常寺
少卿致仕前吏部文選郎中江西

按察僉事奉

勅提督學校石城許穀著

海浮山堂詩稿卷之一

五言古詩

望遠曲

朝上西風樓莫望夕陽津夕陽照草頭蕩漾
平無垠借問天低處無乃大塊濱茫茫飛鳥
外望望離群人離人不可望一望淚沾巾引
領仍摧顏極目翻長顰君今懷往居妾此悲
徂春寸腸不自續况乃兩地身

送東渚陳丈之京師時爲禮部侍郎

行行出海曲駕言之帝州炎曦迴中天羽蓋
征悠悠 皇躬勞側席信宿故難留淄濱聊
出祖弭節臨洪流揚波濯金壘中道羅瓊羞
趙客舞雄劍齊子宣朗謳岫雲薄蒼空冥翻
遺蓬丘舉帷擘芬華伏軾諮荒疇良游諒不
遠殊渥貴能酬 天子君明堂群公煥皇猷
佳氣鬱紫垣瑞日臨彤樓有時五絃動薰和
被潛幽君子躋熙明小人承闕休胡爲戚離
居執手空夷猶

與大名申潞石諸子飲劉氏園亭賦別

芳亭出平郊長風萬里來手持綠玉醕北面
黃金臺生逢聖明時人文遍九垓所遭皆一
氣不飲胡爲哉落葉響空林寒暑互相催談
笑未今夕盡此平生懷因聞太行西虜過無
蒿萊澶淵非北門嚴城不敢開借問尊俎計
何以靜氛埃君看白屋人豈不抱雄才虜去
一無慮賊來浪驚猜逝將歸故山且復傾君

杯

送張郡丞西歸

靈禽出隴樹挺姿珎翠翮一落黃金羈翻飛
去無隙矯矯松岡子縣縣遠途客謝彼簿領
迷縱我巾車適浮雲銷窟况落葉被行迹西
風由舊都殷勤故來逆入門愴異歲到家訊
何夕稍涉丘園趣遂及塵冥隔嘯月嵇生琴
登山謝公屐回首滔滔者雙眼獨青白

携酒訪羅海岳呂東野對菊話別三十

韻

中秋月無光
九日菊未芳
嘉節苟如此
賞心
但自傷
滿城黃葉飛
半空流雲翔
雲中雙鴻
雁哀音互抑揚
幽懷感微禽
攬衣起傍徨
傍徨步前除
俯見地上霜
命酒復不御
出門逢
楚狂談笑過
逆旅指麾齊
故疆荒榛翳
複道
積礫餘宮墻
麟麟車馬喧
穡人秋築場
隱隱
管絃度牧笛
悲斜陽
興衰理自昔
何不各盡
觴黃華忽在眼
玃礫紛成行
映杯不辨色
入
手相與香引滿
更舉白香色
淪枯腸
腸中何

所有宛曲縈詩囊矯矯南州彥聲華振崇岡
吳下呂阿蒙湘中羅君章乍交便刮目握手
識琳琅有時羨浩歌綿邈激清商飄風從天
來四座皆慨慷况常三五夕明月滿匡牀花
月既交靚詩酒恒相將九秋亦云莫幸際茲
辰良興酣雜主賓坐久怯衣裳祗愁懼會促
寧辭刻漏長明發即征行各之天一方仗劍
入燕市濯纓遡清漳所期惟片月千里同相

望

羅入京日
將之趙

喜雨詩

霖霖靈雨零霏霏澹烟屏荷風入高閣溪雲
度脩嶺林柯瀝華滋山禾蕝蒼穎田間負鍤
人寧知短簔冷

沈氏伯仲過訪山居二首

野人掩蓬樞日晏枉嘉客斗室隘周旋臨流
坐卷石山氣媚返景潭光靜虛碧呼酒時不
來冥冥烟水隔

黍苗仰時雨秔稻踈新渠媿無盤中餐豈不

清江先生遺集卷八
目録
羨淵魚歷逕既窅窕緣源亦紆徐盤桓不知
暝歸路將焉如

送宋一川之魏臺六首

初爲邑
傅士

咄嗟復咄嗟老驄當鹽車
垂頸淚至地豈不戀幽遐
丈夫抗竒節流名滿天涯
出門闔前路入門悲無家

無家亦何爲悵與妻子辭
結束倚市門惜哉非其時
隋珠不照乘魚目光陸離
寸心難自明引領將安之

引領向路岐，四顧何超忽。
嶺禽來幽并，代馬驚楚越。
守株者誰子，中懷甘汨沒。
脉脉無與言，相看兩華髮。

流序一以邁，華髮日已零。
疾憤不自持，嘯歌誰爲聽。
我歸寧偃蹇，子行信獨醒。
茫茫風塵際，千里抱遺經。

遺經愜幽尚，相將在窮谷。
中歲卜行藏，持此干微祿。
願言寡所諧，壯心恒局蹙。
雄飛諒自此，豈必長雌伏。

行行驅羸馬送子出長安所期在平生但言
勉加餐傍徨不能辭執手還相看有時慰遐
睎高舉雲中翰

舍第留滯隴西屢歲不遷山居馳念悵
然有作四首

我昔遊皇都叩爾掖垣扉中懷未得宣還望
青山歸送我城南端執手臨郊畿一別心悄
悄五見柳依依我歸學耕稼子行試戎衣寸
心秉國憲萬里宣皇威刀斗宵不鳴羽檄晝

不飛功成不受爵所貴知者稀出門音信隔
還家生事微慨然拔劍起四顧流光輝

有鳥巢東溟徊翔集西極豈不愜丹霄卑飛
歛文翼隴坂多珍毛何曾覩五色疇昔能言
鳥相見故默默吾第信好修蚤齡抱貞則素
心庶無忝長年不踰職寧辭世途滯所悲留
絕域關山多嶮巖往往勞峻陟生離在萬里
言念安可即携手入夢寐相向布胸臆寤言
天亦方誰能不心惻

少小同筆扎出入學鴈行一時誦古文三歲
不成章七歲閑禮儀灑掃闕中堂八歲問奇
字十歲諧宮商十二受遺經十五氣飛揚第
乃齊余肩少余一歲強英風在夙稟弱冠傳
流芳再尹湯沐邑一守舜故疆二守畿輔郡
所至吟甘棠天子方召見兩都尚書郎如何
一麾去白首仍殊方

厥明荷鉏出騰言適南菑非爲飲啄故聊以
供明粢上以念先人下以慰所思所思在要

荒能無桑梓悲吾能祇拜掃汝當酬明時顯
晦各有營出處懷良規邊地阻且遙風霜慎
自持方今重柔遠樹德良在茲

冬日鳳洲西堂命酌觀金虎集

置酒冰玉堂竹柏脩以森玄靄匝檐阿促晷
流莫陰棲庭雙黃鵠戛戛揚其音側頸亦何
睇中懸霄漢心夫千古斑馬才美夙所欽英
華布方策希世羅竒琛願言良已愜命酒自
酌斟陶然爽歸路寧知雪已深

吳郡王公元
美答鎮青州

送李使君之湖南

黃雲靄平陸朔風送飛軒野人望旌旆脉脉
不能言生長草澤中不知縣吏誼忽聞胡兵
來羽檄如星繁壯者行負戈老弱餘築垣幸
茲轉南畝所賴明公恩公今去何之誰哉當
北門良時不可留采翮思高騫悠悠四方志
萬里何足論清湘濯寸心持以荅 至尊

七里溪別墅五首

家世啓文學嗣續業益振伊余稟微尚願作

草莽臣豈無珪組念志士多苦辛鑿井居自
汲上山行負薪既來此溪側稍得邇城闈言
笑翳桑麻燕婉展所親禾黍日已長田功飭
以新佇望歛嘉穡金玉非我珍宣父耻學稼
四體焉能勤剛述有餘思國風終于幽

弱冠嗜遠遊夙嬰山水癖心將跨十洲氣已
吞七澤中歲頗用晦買築南山宅濩落三十
年種樹高百尺無那營微名去作幽燕客五
斗不下人浩歌弛行役移居七里灘似躡嚴

陵迹雖乏山中趣聊喜足泉石列嶂遠刺天
還流抱村碧干祿非所長乘時登宿麥

長夏度微雨返照霽色澄野人愛禾稼抱膝
坐田塍盈盈明月移奄忽浮雲升流光奪不
見清興安可乘徐步登高丘還望齊故陵日
夕牛羊下迤邐渡淄澠伯圖委荒草誰知廢
與興年年目前事悲來自不勝

從來知遠辱至人貴自全不羨公與侯所志
受一廛吾家有舊業乃在城東偏一丘藏一

壑宛轉依清川生涯故不常
中道成棄捐棄捐從此去
一去二十年非無五畝宅
在邑多糾纏幸茲協初心
歸我汶陽田

我田無遠近處處綠澄溪
朝發巨洋澣暮泊冶水
栖野航流北陸香稻來
東齊豈伊貴異穀美利
貽烝黎名山近村落迨
暇恒攀躋仰瞻霄漢遙
俯眺浮雲低翩翩比翼
鳥乃在太行西終歲不
合并激昂飛且啼

鴈湖釣叟

山川一何脩天地一何久浩浩煙波際中有
蕭條叟月出青草湖雲生具區藪萬物莫我
嬰一竿常在手朝亦理釣絲暮亦理釣絲垂
綸不設餌得魚寧無時機念一以息逸樂良
在茲放歌忽弗禁飛起雙鳧鷖

始見山

時歸自京師

明發發陽縣望見長白岑雖非夙所棲聊以
慰我心佳氣藹葱積萬木儼以森駕言向東
麓紆回陟其深飛塵隔清流愆陽思重陰伊

余厥行役惻惻懷至今

哭傳中丞凌川

代家君作

大化日錯迕培覆理已訛驚風捲地來長松
彫其柯松柯一以彫其如蒿與蘿夙昔同門
友感君時琢磨壯心交飛揚相將逐恩波浪
迹三十年浮沉其柰何中道子偃蹇長年余
蹉跎鬱陶知不淺歡晤苦無多君當謨明堂
予合歸山阿引領望宋都棠陰日婆娑厲節
屹高嵩沛澤揚洪河天星沉輝光不得長森

羅國老一不遺何以蘇民痾卓哉絕筆章抗
言蠲煩苛中原百萬戶雪涕興謳歌轎車逝
遙遙玄塞何時過萬山阻遼海千里隱虹螺
幸有客囊空可以凌嵯峩

輓蘇尹

明公舊祿隱偃蹇不偶世晚築他山居歛我
泉谷嗜俯仰力好古慷慨披往志注心河上
翁結情添園吏蜉蝣達生死黓蝨等塵事百
年信颺衝四運轉鱗次華髮久番頰耀靈無

緩轡浩爾君不留誰能不歎逝屏息隨淒風
弭迹淪幽邃長謝逆旅間居然歸所寄

李翁震輓

驅車青鳥墟還望白狼河山勢走恒岱海日
騰金波名都雄在昔伯氣歸山阿所餘王侯
墓千載空烟蘿至哉河上翁頽然抱玄和去
去遊太清翩翩遺網羅世人那復識時見青
牛過不然跨脩鯨策以珊瑚柯探源盡銀漢
絕景凌羲娥俯首笑塵曲五嶽何微庶仙姥

駕飛霞手持碧玉荷瑤池信竒瑰
蟠木長婆娑浮生故無聊憂樂苦
自多慘目牛山望摧神曳杖歌
百年返其真感歎夫如何

輓董郎中

先爲縣令
太僕丞

步出齊城門遙望城南丘新松儼行列白日
風颭颭上有哀鳴禽下有鹿豕遊借問逝者
誰舊日河陽侯惠風扇百里霈澤流千秋天
開壯帝圖地卿弼皇猷功高拂衣去浩然返
故州故州多親昵眷言締綢繆置酒臨崇軒

當筵錯庶羞飛觥左右至度曲鳴篴篥詎爲
離別苦惜哉歲月邁惟燕此良時奄忽如星
流浮雲不可羈朝露誰能留人生樂不樂末
路空悠悠

贈博興張丞遷慶藩公正

涇陽人

晨出郭北門高駕不可留丈夫自有志何必
萬里遊妖氛薄中華胡馬乘邊州狼烟接天
起羽檄如星流將軍惜一戰郡縣罹百憂催
徵紛無紀鞭箠不敢休民命安可恤軍令恐

見收籌邊乏上策歸計非忠猷恭承 聖主
恩移官邇林丘 王門曳長裾巖廊何清幽
借此成祿隱平生足優游豈不懷故人悵望
東海頭幸因金風簇尺素慰綢繆

長安道

驅馬長安道春風何浩浩王孫遊不歸沙陌
無芳草感此成太息憂傷我懷抱畏途阻且
脩聿堂難自保疇昔丈夫志立身苦不早應
埃滿征衣焉得容顏好

姚長山園亭同江萬山陳五山童三山
王竹區楊雲岳錢孟山蔣靜觀讌集辱
示吟社賞蓮之作既而分韻賦此得新

字十六韻

炎陽駐脩畧杪夏流雲新南風散薰和北窓
怡天真高卧澹遐想上與羲皇隣有時悅鉛
槩寧無知者論姚合富篇章燦爲希世珍華
園結芳軌良會及茲辰彼美盡東南促席羅
鴻賓草玄飽經術下榻諧情親將軍通六藝

灑翰氣益振
夢筆瞻文彩
看竹忘主人
求羊既莫逆
湘瑟信有神
縱談何疊疊
式禮亦彬彬
丹藻映瑤卮
綉蓋翳綸巾
嘯詠一以合
珠璣雜然陳
妍姿並群藻
濯濯離清塵
妍姿有彫零
群藻無磨磷

有懷鳳洲使君蕪呈仲氏麟洲先生
使君假黃鉞
芳齡鎮青淄
義格友側心
化行任俠兒
英風動遐甸
柔翰通神奇
頃令稷下生
從此敷文詞
蹇余事幽尚
卜築南山陬
耕

牧三十年貧賤諒所怡詎能念陸沉豈復干
明時恭承賁丘園野人駭旌旗招我霜華館
示我金虎詩慰我長安行幸觀夷甫姿徐麾
玉塵柄迥立瓊樹枝衛玠共絕倒滕閣有夙
期如何一相失千里遙相思

阮籍憤窮途賈生多痛哭天運無常盈人事
乃反覆明德方彙征變故俄相蹙君子違吾
邦民今竟無祿苛吏日睚眦文學遭黥扑遂
令避世人不敢留空谷結束事遠遊來傍金

焦麓金焦富題詠
硠礪雜蒼敷
忽覩琳琅篇
剔蘚欣一讀
因之想風采
炯然如在目
世學貫三才
家聲游四隩
神君啓諸荀
龍駒騁小陸
藝苑接天衢
玉昆並騰逐
伊余滯京口
非以甘幽獨
博物析方言
問竒珎尺牘
悵望子雲亭
儻個駕偏轍
偏轍那能前
寸心空碌碌

閤居早秋

閒居觀萬象
大火流忽西
素月升雲間
入戶風淒淒
長松薄高旻
玄蟬上下啼
寒暑有代

謝造化無端倪

虛閣澹幽尚豐林避殘暑游衍亦何思悠然
獨無與新秋滿天地澄江帶吳楚極目停雲
端黃鵠忽高舉

一氣始瑟瑟四壁來秋聲端坐不成寐感此
幽居情皎皎明月華漠漠浮雲征餘芳恐銷
歇光景憐孤清

溽暑思清秋秋至感興多高吟暢幽懷非爲
勞者歌玉宇啓新涼銀漢明橫波橫波隔牛

女良夜其如何

郡齋隱重城而不近闐闐幽窈風自開苑與
青山對窺園曳長鏡秋草多蕪穢回首望蓬
瀛飄然一興慨

離居欲無言逸德必有鄰丘壑諒匪遙寧之
素心人山中有樵子江上多垂綸豈無金石
交所貴守其真

題鼓泉卷爲黃廣文作

屺父興東周四國無停驂金輦既淵洪木鐸

亦窳窳大成有希音至教存具瞻桴鼓荅其
響始知吾道南韞韞振頽波華彩映澄潭承
家求孝思好古窮玄探八風已宣暢六藝今
沉酣名世盛文藻奕葉多朝簪合并見交心
慷慨聆高談回首瞻白雲萬里飄晴嵐

東次甫

送子遊東岳五月渡長淮誰言獨往人中道
臨當乖乘流豈不返因以安予懷一諾重平
生三年今始諧心期在山水所貴敵朋儕秋

日動遐思良夜閒高齋螢火照裳衣蟋蟀鳴
庭階何時披素襟一笑遺形骸

何柘湖宅同黃質山郭五遊張壺梁安

集

輕舸繫胥門緩步歷吳市吳下多豪賢往往
競芳軌嘯歌滿天地同聲有數子長揖几席
間頗盡東南美燕昵乃夙期晤言無逸畧匪
以玩羣情且復暢名理浮世自流易斯道豈
終毀余亦倦游人合并方自此

同諸子登西城步至要離墓上

携手步城隅，前有壯士墳。一朝秉大節，千載揚烈芬。死作干城將，永垂磐石勳。封樹自古昔，佳氣日氤氲。不然翳榛莽，踐履牛羊羣。萬物幸所託，倚伏信糾紛。熒熒太湖月，濯濯陽山雲。月以流耿光，雲以呈靈氛。

謝熊太學惠古琴

金閭有高士，遺我千載琴。塵境不可留，携登虎丘岑。輕風來谷口，明月懸天心。一奏山鬼

嘯再奏江雲沉泠泠響未絕寂寂夜向深不
逢鍾子期片石乃知音

坐花亭為蔣山人作

靜觀達者趣小築幽人棲宛轉三山側透迤
鐵甕西海日隔城出江花拂岸低香風浩蕩
來好鳥上下啼孤舟閑夜壑一雨盈春畦蒔
藥行荷鍾入閤還杖藜吾生自有適物理詎
能齊悠然虛亭中兀坐窺天倪

訪郭五遊因贈焦山僧

淨緣本無相靈境夙所稱言尋方外友偶識
山中僧澄江一以眺絕島時復登素心恐惆
悵塵鞅安可嬰

惠山泉

此中酌泉水好水復好山入山僧亦佳坐我
空谷間摘茗瀹新芽爲我開心顏是時春日
遲花鳥亦自閑綠源歷幽徑倚杖相與還我
欲捨輕舟因之學閉關

去路不遑息迴舟此羈纜石潭洞空碧禪宮

炳虛紺危巖亦可乘平注一以瞰鬱紆發秀
覽窈窕獲幽探盈盈雲氣流漉漉泉聲暗偶
揮方外人素心良已澹

登虎丘寺塔

岌岌乘雕甍盤盤躡泰清千里聊寓目四山
不識名上方動天籟下界鳴倉庚袖間雲日
麗足底烟霞橫歷覽撫八窓但恐天柱傾長
嘯劃然發飛仙空外驚東南望遠海西北瞻
神京萬物昭元化其如遊子情

海浮山堂詩稿卷之二

七言古詩

題閭山觀音閣壁

即北鎮醫無閭山在遠左

馮生生平耽竒賞五嶽皆有馮生蹤遠探勝地興不極不知近在醫閭峯家山最有醫閭秀遊子歸來問朋舊高人四五雅有情登臨正及悲秋候謝公健足輕嶙峋褰衣直上如有紳恠石齧窠東郭履懸崖礙倒華陽巾會臨絕頂跨寥廓翩然回憇山腰閣閣起山腰

勢已尊咲看九宇何蕭索蟻封叢尔一城區
蝸角對出雙浮圖遙瞻白雲隔滄海田覽太
荒環羗胡泉飛龍口灑眉睫意興橫生山可
挾騷客題詩拭翠岩山僧煮茗然紅葉天竺
注意詩酒豪夕陽未下片月高掌上百杯作
牛飲胸中萬事真鴻毛坐卧莓苔不知久酒
力耐風風遣酒起來咄嗟下山去吾曹還是
風塵偶

上巳日作時落第客京師

三月三日東風惡滿城桃李都搖落乍隨飄
颺入重雲還自低回委深壑長安道上東復
西曲江池邊路轉迷飛空不解作紅雨著土
豈得爲香泥風聲如雷塵如墨行道之人長
太息春光猶有三之一千樹萬樹無顏色花
開花落會有時抵死不分狂風吹但願周流
御溝水寧辭遠別上林枝溟濛瀕洞滿天地
倉皇未識東君意不遣紅英點翠苔玉堦那
得留餘媚君不見昨日花開枝葉青折來插

之震玉餅盡堂不省紅塵到裊裊花氣芬中
庭又不見樓頭小婦深閉門晨起竟日寂無
言捲簾欲放飛花入撲面驚沙總斷魂

月夜招同邑張文學飲不至走筆戲贈
狂生把酒慣對月但怕尋常風雨夕不合今
來月待人可惜當筵滿虛白玉兔操杵寂無
聲冰輪在天遲不行婢娟此際若爲情笑殺
張郎太俗生張郎頻年不入城此來一見歡
相迎高情豈願尚書約痛飲誰拚力士鑄借

問爾來緣底事汗顏俯首叅公吏不然孤旅
親僮僕可耐故人招不至百年此夜能幾時
月不負人人負之擲杯大叫不見汝仰天望
月憑寄語

五友詩

五首

海岳子作五友詩海浮子倚歌而和焉五
友者爲松爲竹爲梅爲竒石爲鄒溪子海
岳子爲濟陽黃氏鄒溪子爲壽光李氏其

詞曰

我所友兮在徂徠欲往從之路悠哉天風怒
號萬壑雷帶霜移植凌虛臺美人遺我琥珀
盤何以報之青琅玕虬枝鐵榦干雲端頤言
與子長盤桓

我所友兮在渭川欲往從之路渺綿蕭蕭千
畝離雲煙因風移植西堂前美人遺我丹鳳
雛何以報之尺素書亭亭直節干太虛頤言
與子長相俱

我所友兮在羅浮欲往從之路阻修凍雲霏

霰風颼颼芳根移植臨清流美人遺我玉壺
冰何以報之瓊瓊英暗香浮動月色澄願言
與子長合并

我所友兮在崑崙欲往從之思高騫洪河觸
鬪勢若吞移來猶帶靈雲根美人遺我金壺
墨何以報之錦繡臆峻嶒上與赤霄逼願言
並立玉堦側

四友并兮我爲五孰爲賓兮孰爲主朝余與
居兮雪堂夕棲息兮玄圃美人遺我瑤華音

何以報之歲寒心矯矯五友兮交結深千秋
契合兮蘭與金

七歌行

效少陵體歷下作時有墨吏煽禍齊魯間六郡甚苦之于亦致

至歷下久之乃解

有客有客山中來淒淒逆旅嚴城隈風穿四
壁夜如洗黃雲塞空且不開同舍書生半霄
漢故園籬菊今蒿萊嗚呼一歌兮歌始倡歛
歛僮僕愁相向

有弟有弟遊秦川羗胡萬里雜腥膻薄祿棲

後二十年孤臣何事猶在邊
癡兒家食但力田
覘之有時室無烟
嗚呼二歌苦心獨
苦涕泗縱橫不見汝

黃鵠黃鵠何所慕
危巢困輪海東樹
汗漫朝翔八極雲
號鳴夜警三更露
勁翮低徊就羈束
嗔眦何當弋者怒
嗚呼三歌苦心慨
慷飄風拍拍吹我裳

年來生長四五子
玄冬落莫空山裏
大者依稀識姓名
別時弱嬰病欲死
窮愁有夢不成

寐擘衣躑躅中宵起嗚呼四歌兮憂思沉驚
鴻爲我揚哀音

誰家老翁泣路岐相看滿眼皆瘡痍中原流
來方千里不知何地堪流離驕胡南下牧羊
馬赤羽徵兵逐島夷嗚呼五歌兮聲中咽我
歌胡爲泪如血

枯桑野火隨風發千山萬山然倏忽轟騰剝
裂荆山璞百萬形生化爲骨蛸翹端螻一時
盡炎光不照豺狼窟嗚呼六歌兮歌且吟倉

卒不測天地心

山中人志不伸墮然垂釣河水濱
偶逢河上丈人語問谷出處倍酸辛
男兒四十未致身窮途窟曲怕問津
洞口閒雲遲行跡歸來老
作無懷民嗚呼七歌兮歌既闕出門仰天見
明月

雪後走慰嚴石谿邂逅淮川王尹官舍
夜歸旅宿感而賦此

良友駕言邁離別不足歎風雪滿天地其如

行路難我行十里餘一步一驚骨岸谷無高
深馬蹄互騰沒惜君勸君信宿留何幸當筵
坐超忽桐江風槩還可親河汾矩度意更真
紅爐石鼎生陽春一談一咲皆經綸我歌恐
作踈放態堂上不合留山人歸來逆旅愁寂
寞壁穴參差風力惡空榻堆塵強栖託雙膝
拄頤肌如削擁裘起視夜向分何物嚴城罷
鳴柝非烟非霧氣蕭索小星熒熒月華薄山
陰短棹那得前長安僵卧何曾著乃知子猷

不盡興素生未息機夜深冰在手晨起寒無
衣即事吾今亦復爾二賢安足爲世希君當
行行且止賢侯况是君知己把臂論心無定
時等閒悵望滄江水

梅花草堂歌贈夏南叔之任徐州

江南處處梅花好江北空聽梅花名梅花主
人到江北頓令海岱香風生海浮漁者山中
子經年不一入城市獨喜對君格韻奇如在
梅花草堂裏清談竟日方卓然意氣相傾今

幾年有時嘯傲滄江水我歌白雪君叩舷憐
君匹馬翩翩去青徐地接迷烟樹聞道南中
驛使多折梅寄贈更如何

壽李四岩

時與郡人作詩社
宗藩招入寅賓館

長唐長唐光燭天芒角四出何森然不逐繁
星共璀璨常隨太陽相後先新秋七月金氣
王晶熒化作李謫仙天仙之才信無比酒史
斗酒詩百篇只今新詩滿人口共傳妙筆飛
雲烟致身何必供奉斑愛才賴有東平賢醴

席賓師荷知遇吟壇盟主長周旋今夕何夕
爲公壽披襟把酒涼風前踈星歷歷月半弦
酣歌四座夜不眠况復今年值餘閏不辭酌
酌重當筵

一禽言

鳳凰不如我竹竇醴泉真瑣瑣何不委形濁
世中飛鳴飲啄無不可鳳凰不如我

得過且過風雨冥冥巢欲墮飽煖當時不自
知炎涼此日方叅破得過且過

二禽言

富貴州作

行不得哥哥橫山縱路長茅多側目但逢征
馬去吞聲不見歸人過鷓鴣鷓鴣爾莫叫奮
飛好去當津要長安道上車如雲胡爲哀鳴
向遠徼夜郎逐客祗餘我亦知歸興烈於火
腹中自有鷓鴣鳴更悲借問能言之鳥知不
知萬一一旦從此辭回頭願爾叫阿誰

歸去樂荒煙一壘山花落夜月原頭血吻新
斜陽枝上聲如昨聲如昨長相語微禽丁寧

或可據獸蹄鳥迹難久遊故國關山不爾禦
不知爾家樂不樂祇是此中風雨惡吾非有
翅不能飛喚爾醒時吾亦歸

五禽言

支鰲支鰲眼枯盼得麥秋到三青兩黃兒啼
飢生炊濕擣救燃眉東家富翁麥未割田婦
摘穗掌中剥五月縣吏開麥倉老農奔走無
餓糧

報穀報穀透犁好雨夜來足不愁田中惡草

多但願年年風雨和夜來雨急風聲惡聞道
村南一尺雹老翁歸來語老妻村中報賽烹
鳴雞

豁開溝溝水東西流麥場礮聲漸急黃犢
橫奔汗如泣重雲鬱鬱四望集頃刻那能辨
原隰天之未雨溝不開枝頭啼鳥爲誰哀
向前還好可惜今年種田少早知今年勝去
年即死不賣山南田欲向靈禽頻借問禽言
知遠不知近能知歲事報陰晴不知官租重

與輕

開開門避避雨門外水深一尺許五月亢旱
六月蝗行人不忍看路傍槁禾得水未蘇息
驕陽一出水如湯吁嗟但望來年熟不恨今
年雨不足

題萬西原別業

時為吏部選郎

章江兮月霽美人兮西筵渺川原兮極目曠
怡神兮天之際丹霞兮縱縱鳧雁兮與飛葭
葵菑兮葱蒨草樹蔚兮芳菲松栢兮當軒莖

蕙兮闔門綴薜荔兮碧嶂緝木槿兮朱垣江
之裔兮溪之滸桂爲堂兮玉爲宇朝予儕兮
華坪夕憇兮橘圃蜚龍兮雲中虎之嘯兮以
風澍九州兮噓萬象君胡爲兮溪之上秋宵
兮愁予目眈眈兮望汝晶明月兮嬋娟光離
披兮下土山有木兮水有波君之來兮駕文
驪歸不可兮驟得聊逍遙兮寤歌

春雪行

在涿水作

三冬融融天道別似覺春光先漏泄灑威陡

作十日寒瑞氣平分兩年雪先春後春總及
時遠山近山爭獻奇浸淫只有土膏得珍重
不許天風吹天風吹落還自舞意態依人薄
窓戶片片能消縣吏愁飄飄解度老農苦常
年對雪醒詩脾今年見雪開愁眉呼童命酒
復不御坐看庭樹擎華滋爲愛堦除慎莫掃
纖纖著地皆鴻寶齋居鎮日人迹希只恐催
租更草草一秋催徹四歲租那堪縣吏筋力
枯縣吏筋力安足惜吁嗟民命何時蘇

大江行贈見源黃子

頃予偃蹇都門繼講黃子於吟壇方切傾
慰再訪道院迺獲初稿二卷而歸其所譔
述指陳大端略悉矣高矩在茲撫卷賦贈
蓋紀好會有人亦以識感云爾

大江東來勢拍天元形元氣摩相盪混涵關
闔了不分浮空一色浩沆漭仰觀俯睇四曜
出震烏匹兔紛來往尋常風寂波不興遙遙
千里平如掌若非金焦峙蒼岫眼底誰能別

霄壤湏臾習習天風吹清漣宛轉生淪漪有
時雲浪捲雲起驚衝怒搏騰蛟螭天地大觀
信在茲當其要會鍾神竒地靈人傑有叔度
胞次汪汪千頃陂淵澄滉漾渾無涯世人那
能清濁之南華秋水不足道東海望洋空爾
爲我昔束髮江上來題詩猶在鳳凰臺愛水
一生非夢渴逃名百計豈懷才只今浮名逃
未得老大徒悲寄京國逢君却憶江上時相
看令我心中惻看君意氣遠更清迥然如望

春潮平高歌古調滿人耳泠泠座上聞江聲
把君雙卷喜復驚沉渾迭宕難爲名水底珊瑚
洩神彩蚌中明月掙光晶縱橫豪氣誰與
爭鼓濤出沒吞舟鯨談詩不落江西派結語
聊尋洛下盟何年浪迹長安道笑殺人情
草草空令子衿猶自青不重江河重行潦
源見源窮冥搜崑崙之顛天盡頭九垓八紘
諒可歷與爾新时期汗漫遊

霞川行送薛子熙歸越中

瑤空片片霞如綺流光絢爛清波裏俯仰乾
坤氣欲溼悠然上下皆雲水碧水澄澄雲濯
濯但有輕清無重濁只教瑩淨器心神眼前
何必堆名嶽風行水上成至文况有離披五
色雲龍章鳳彩相照耀越羅蜀錦何繽紛何
物飛來千里霞欲去不去滄溟涯蓬萊三山
奪蜃氣扶桑析木添瑤華明霞冉冉光可挹
飛來帶得鏡湖濕要依紫極繞璇題懶向丹
巖封玉笈翩翩飄逸自卷舒漠漠太虛隨所

如春深猶戀黃金闕
秋秋還過青鳥墟
春深秋秋物華改
惟有丹霞駐精采
飛來飛去總無心
即從北海之南海

靈椿行

靈椿一株蒼玉寒
膠枝千尺玄蚪蟠
秀拔高標插地起
困輪華蓋當空團
翠葉葳蕤披雲端
天風不動聲珊珊
上有迴翔和鳴之鵷鸞
下有九莖三秀之芝蘭
捧日輝煌碧琬琰
擎天屹立青琅玕
我聞此樹八千歲
爲春八千

歲爲秋從來竒產有神理南華之言非繆悠
九地栽培承天休百靈呵護豈人謀瑞烟裊
裊香不斷玉露垂垂翠欲流我欲因之問真
宰定知神物幾千載北斗平臨還相盪南極
遙瞻長不改一元之氣何茫茫盎然生意回
三陽氣轉千林盡萌達春歸百卉齊芬芳舒
遲旭日昇場谷滴瀝華滋在喬木條風習習
扇微和千枝萬葉重發育美蔭已庇黃金臺
靈根夙託燕山隈華實尚充神仙餌柯條騰

堪梁棟材老榦去天纔尺五層霄沆漭足吞
吐長將枝頭一片雲散之八荒作霖雨

何辜歎爲茂才黃有賦有中丞安厓公
仲子爲其姊雪仇被繫歷下余憫惻焉
乃賦此詩尋出之

黃公子爾何辜窮年汨汨淪泥塗而翁舊作
名世儒玉堂青瑣曳珮趨 明廷議禮攄忠
謨天顏忽霽寵渥珠迴翔臺省威惠俱英聲
妙譽動八區隨風矯矯雙飛雛汝時目爲千

里駒顧盼佩服閑且都遨遊海上膽氣龕腰
間短劍玉轆轤手持一雙金僕姑呼朋把酒
歌嗚嗚不省世上賢與愚一朝第宅秋草蕪
但見公吏來追呼倉皇竄身東海隅舊時見
者相嗟吁借問公子何所驅同胞骨肉爲人
屠誓將復之身力孤寧知跬步遭艱虞啣冤
赴愬口囁嚅橫懼鞭撻無完膚叩頭血出甘
自誣伏法抵罪且暫蘇功名棄擲不復圖饑
寒焉得謀妻孥言之酸心淚涕濡傍有二卒

執其軀束縛西來就幽拘負墻骨立如朽株
三日不食肝腸枯隆冬籍體乞束芻郡吏急
索心鬱紆安得幻術飛青蚨歷下幸際賢大
夫廉明文雅近代無見之太息爲踟躕日頽
升合朝夕需我亦阮子泣窮途少年浪跡尋
五湖逍遙萬里筋力輸歸來寂寂掩繩樞耻
向齊人學吹竽誰當暗裏投明珠通都大邑
饒穿窬深山窮谷何崎嶇西北諸道馳羗胡
東南袞袞來倭奴邠堪郡縣多逃逋此身四

顧將焉徂直欲乘筏訪蓬壺邏者得之當成
得俯仰天地悲吾徒握手相訊日欲晡爲汝
且復立斯湏何能出汝走交衢黃公子爾何
辜

余方爲仰天山之遊適聞徐我亭見訪
遽歸村候焉至則行矣留題在壁笑而
和之

登山百里身入雲看山不足歸候君君胡不
留泐然去山靈騰笑何紛紛仰天笑我空碌

碌海浮之山笑君俗有山有水無好懷安用
題詩在茅屋

送獨徃生遊泰山

吳門郭次甫亦稱五遊山人居焦山余屢
訪之不值既獲晤言便自此別詩以見懷
五遊山人遊岱嶽從此巖扉無剝啄我家乃
在岱嶽傍主人薄遊來江鄉君今爲主我爲
客涉江訪君空嘆息岱嶽無因問主人何如
却掃焦山跡

高山行奉謝吟社諸公

江城吟社九人
江萬山陳五山

重三山王竹區姚長山楊雲岳錢孟
山蔣靜觀同徐欽松長山之徐來亭
分韻賦詩見贈許釜山以村君未預
茲會叨入吟社得觀所作因言及之

放舟自淮浦卧見江南山江南之山信奇絕
我來乃在江山之兩間郡齋兀兀情脉脉出
門長揖山中客何意山中五六翁一時共集
長山宅江中之山浮翠螺江上之山鬱嵯峩
三山秀拔不爲少五山聯翩寧獨多更有萬
山最深處直與蓬萊三島連巨相森羅三山

聳立五山嶽分盤礴萬山浩無垠長山蜿蜒
白龍走雲岳吐氣常氤氲釜山突出孟山伏
竹區一園山矗矗亦有幽人好靜觀結茅乃
在山之麓而我夙抱丘壑情海浮舊是山姓
名西連秦華東蓬島與君無乃通寰瀛諸君
藝苑稱獨步不但登高能作賦老來健足勝
謝安雙雙羨有登山具興酣飛鳥何飄然須
臾直上岌嶮之危巔矯如冥鴻接翅以遐舉
又如群鶴起舞而踟躕濯纓碧漢摩頂瑤空

手攜列宿足躡剛風忽忘饑渴餐沈瀟恍疑
寥廓開洪濛俯覽大塊能幾何渺然不辨江
海波極目兮太息感懷兮興歌神仙飛來澹
延佇南極老人坐相語要眇兮莫宣玉函兮
昇汝江城吟社爾數公平居每與山爭雄登
山有約意俱遠看山不足詩轉工分題徃徃
韻滿百揮毫不停斜岸幘少陵之後豈多得
到地金聲試一擲瀟然旅客留江城仰止吟
作高山行高山有人何磊磊中林伐木長丁

丁南來意亦耽登眺操觚勉爲希同調吟社
招尋許重過迂踈恐博江山笑

七夕行

迢迢良夜幽期逼郎不耕田女不織銀河清
淺路可通經年別後歡相即烏鵲不飛毛羽
摧爲言天上填河來涼雲片片雨瀟灑雙雙
淚墮相向哀銀河一轉一周天不轉雙星若
箇邊五緯珠聯有聚會雙星缺絕無推遷東
家美人顏色姣手弄輕絲風亂攪一年一見

計已踈如何乞與人間巧

鼓泉行

丹徒博士黃先生嶺表世家也學行教法
無忝前脩縉紳名流咸倡鼓泉之詠余因
之爲長句以嗣遺響云爾

鑼鼓山下鳴流泉山水擊搏聲闐闐隱如轟
雷迅霆起平陸怒如脩鯨文鼉吼重淵顯穹
未闢洪濛先巨靈蟠結西南天上有嶽崎萬
仞之危巔下有滌迴百折之長川滔滔千里

流不竭直與滄江瀚海相涸沿澗口郁郁雲
如烟蜿蜒老龍水底眠有時鞭龍作霖雨瀕
吏需澤霰霽盈八埏古來達士依巖穴地靈
翁合鍾人傑家學綿綿啓後昆朝紳徃徃追
前哲鼓泉主人來江城琅琅秉鐸振金聲絃
歌學道真吾事言偃于今有令名

南涯仙翁眉壽歌

瓊樓隱隱仙翁家乃在長江天塹之南涯南
涯佳麗稱第一扶輿清淑生瑤華銀河涼夜

流精彩高秋八月通靈槎乾坤躋鬱名山川
闕深窈窕葳羣仙下有七十二福地上有三
十六洞天洞天福地半幽杳人間信有江南
好六沙四鎮小十洲金焦北固真三島靈脩
結成不死藥福田種出長生草南涯仙翁多
福田但於心地求真詮烹茶自汲中泠水冲
襟灑濯方通玄江上蛟龍忽飛舞欲挽洪濤
作霖雨製錦花封映列星含香粉署紆華組
三郡太守稱賢明珠方連帥倚長城急流勇

退身未老高風晚節神更清歸來江上二十
載岸幘行歌何磊磊江草江花歲歲生秋風
秋月年年在庭前蘭蕙香氣凝懽然膝下羅
孫曾三湘有子傳世澤遡泐直上天光澄我
聞江水之源乃在岷山之陰岨峽之麓初出
雙流可濫觴邇來萬里成神瀆一元蕩滌自
古今兩涯呼吸無川谷南涯之南多秀峯蓬
萊對削青芙蓉試上高丘望遠海悠悠千古

長朝宗

崑崙羣仙歌

喬封君馬寒
泉翁大同人

我聞崑崙之山高萬里上有天柱直插天周
迴屹立圓如削下環九府藏群仙瑤宮絳闕
隱香霧霏霏五彩雲霞護逍遙白玉三重階
玃璨黃金九層路天長地久栖翠微千年萬
載流春暉西池出使青鸞舞南極凌虛白鶴
飛雙虬並馭雲軿車仙之人兮列如麻八琅
之墩空外奏叢霄之笙響清晝鱗裳羽節紛
離披安期羨門來遊嬉瑠盤初薦班螭髓玉

七共抄素麟脂老仙何事笑掀髯一元太極
手中拈不管山樵柯已爛那知海屋籌重添
古來雲中軌上谷地靈近抱崑崙軸赤松黃
石遊人間綠筋紫腦應仙錄仙翁仙翁今赤
松玉皇已授大夫封鳳誥翩翩下九重高軒
五馬如飛龍再拜進觴為翁壽但願羣仙歲
歲長相從

送劉誼菴之曲江

江天六月雨乍收平江水長東西流千里樓

船從此去一杯祖帳那能留尙晚江頭送羨
人江籬薜芷芳堪紉行間且復聞笑語別後
高風不可親中流鼓棹揚飛旌南薰習習遙
相迎虞絃解愠 聖朝事此地曾奏簫韶聲
簫韶寂寞幾千年復有絃歌今尹賢嶺表于
今頌聲作正看日月當中天

喜雨行上吳太宰望湖

六月以來旱至今嗷嗷萬姓愁予心道傍行
人多渴死井上轆轤汲泥滓良田拆裂禾半

枯野老仰天空歎吁驕陽熏灼亦已久雲雷
震蕩還虛無兩朝冢宰調元臣身先百辟
和神人三秋歲事頃刻改一雨乾坤氣象新
我皇側席事修省萬國臣民方引領只今
海內病已蘇佇看田中發禾穎

西津折柳卷送蔣山人

有序

山人雅好書史尤喜學詩既與郡之名輩
結社海岳菴中而余守博士職多暇特獲
過從詩社嘯歌之餘聽談名理輒復稱一

快事宅介山水之間小構坐花亭不辨籬
落四望迥然江南諸峯盡獻眉睫而浩乎
長江衿帶其背亭中圖翰題詠悉社友墨
妙而周旋其間者亦無他人吳下獨往生
時一至焉已復入浮玉山中然余未嘗不
共坐談即余入山亦未嘗不共山人往迺
余應滇南之役逾年歸郡復苦奔命旦夕
擾擾不任煩憊已而卧病齋閣山人叩門
輒起余而揖曰繫余將爲鄰門之遊願有

言以重行色圖出詩卷以示即同聲高調
情脉脉不離已顧余既爲賦二十四韻而
諸子之詠統有所藉迺效作折楊柳曲以
尾其後云余念病已將優游坐花亭中以
銷叢慮而主人且行又將訪三山高逸定
方外交而魚與僭往則山人之行非助我
者明矣然山人舊有名籍於天鄉今又能
談詩結納明公間則所謂誦詩而授之以
政無乎弗達使於四方必能專對是山人

誠其所長以用於世則又余之所樂聞也
揚守江頭楊柳枝春來春去搖青絲送君遠
行爲君折好向東風慰別離江南短亭勸君
酒江北長亭一回首烟水茫茫不見人婀娜
長條猶在手

答贈張幼于文學

我來大江之南賦遠遊三山之間行復休忽
枉征車二萬里吳門獻歲還泊舟吳門二八
高入雲春來佳氣何氤氳勝地不改蟠桃色

靈光常護干將文，晨入城中事趨走。自慙齷齪
龔其升斗道，逢士人白接罹顧。余大笑執余
手問爾無乃晉陸機蚤齡詞賦思如飛，吳人
自後不足數。六代風流從此微，天朝文獻
粲有徵。顏風乃以博士興，汝南父子方嗣響。
太原兄弟相陵憎，行歌不知巷道斜幽深。似
入山人家，分曹指點金谷酒，登臺折贈玉蘭
花。眼中歷歷吳下豪，我來豈必非同袍。大隱
邨於廛市遠，重閨不礙詩壇高。座上相看日

卓午俗慮都忘論太古江湖之上足英雄琴
樽以外皆塵土酒闌閑上要離墳共倚東風
遲夕曛即今秋盡三山瘦獨坐高齋正憶君

燕州別駕行

少小學狂兒功名富貴何足爲束髮攻詞賦
此身肯爲儒冠誤但知世上有英雄豈必床
頭守章句東海之濱南山之垠耕田鑿井歌
帝仁長年願作無懷民不願出爲唐虞臣一
朝鄉里相驅迫橫加束縛嬰其身九叩天闕

一宰山縣千里移官萬里乘傳自知軫軻良
苦辛他人爲我傷貧賤 聖明天子踐明堂
股肱惟良庶事康小臣碌碌思激昂吾當行
君出祖酒酣拔劍爲君舞江南信美非吾土
六我豪華安足數燕州別駕氣若虹不知塞
外與塞中